



0 1 2 3 4 5 6 7 8 9 20 1 2 3 4 5 6 7 8 9 3



7





上海圖書館藏
全宋文卷之六
六



貞觀政要卷第十

戈直集論

論行幸三十七

論畋獵三十八



論灾祥三十九

論慎終四十

行幸第三十七章凡四

貞觀初太宗謂侍臣曰隋煬帝廣造宮室以肆行幸

自西京至東都離宮別館相望道次乃至并州涿郡

今涿州路無不悉然馳道皆廣數百步種樹以飾其

傍人力不堪相聚為賊逮至末年尺土一人非復已

有以此觀之廣宮室好行幸好去聲竟有何益此皆朕

耳所聞目所見深以自誠故不敢輕用人力惟令平聲

百姓安靜不有怨叛而已

貞觀十一年太宗幸洛陽宮泛舟于積翠池顧謂侍

臣曰此宮觀臺沼觀去聲並煬帝所為所謂驅役生人

窮此雕麗復不能守此一都以萬人為慮好行幸不

息好去聲人所不堪昔詩人云何草不黃何日不行詩大

雅何草不黃篇之辭大東小東杼軸其空詩小雅大東篇之辭正謂此也

遂使天下怨叛身死國滅今其宮苑盡為我有隋氏

傾覆者豈惟其君無道亦由股肱無良如宇文述虞

世基裴蘊之徒皆隋之臣居高官食厚祿受人委任惟行

諂佞蔽塞聰明欲令其國無危令平聲不可得也司空

長孫無忌奏言隋氏之亡其君則杜塞忠讜之言臣

則苟欲自全左右有過初不糾舉寇盜滋蔓亦不實

陳擿此即不惟天道實由君臣不相匡弼太宗曰朕

與卿等承其餘弊惟須弘道移風使萬世永賴矣

貞觀十三年太宗謂魏徵等曰隋煬帝承文帝餘業

海內殷阜若能常處關中處上聲豈有傾敗遂不顧百

姓行幸無期徃往江都不納董純崔象皆隋之臣等諫諍

身戮國滅為天下笑雖復帝祚長短委以玄天而福

善禍淫亦由人事朕每思之若欲君臣長久國無危

敗君有違失臣須極言朕聞卿等規諫縱不能當時

即從再三思審必擇善而用之

貞觀十二年太宗東巡狩將入洛次於顯仁宮宮苑

官司多被責罰侍中魏徵進言曰陛下今幸洛州為

是舊征行處為去聲後庶其安定故欲加恩故老城

郭之民未蒙德惠官司苑監多及罪辜或以供奉之

物不精供平又以不為獻食此則不思止足志在奢

靡既乖行幸本心何以副百姓所望隋主先命在下

多作獻食獻食不多則有威罰上之所好去下必有

甚競為無限遂至滅亡此非載籍所聞陛下目所親

見為其無道故天命陛下代之當戰戰慄慄每事省

約參蹤前列昭訓子孫奈何今日欲在人之下陛下

若以為足今日不啻足矣音若以為不足萬倍於

此亦不足也太宗大驚曰非公朕不聞此言自今已

後庶幾無如此事幾平聲按通鑑係十一年上至顯

徵諫曰云云上驚曰非公不聞此言因謂長孫無忌

等曰朕昔過此買飯而食儆舍而宿今供頓如此豈

得猶嫌不足乎

范氏祖禹曰富而不忘貧則能保其富矣夫以萬乘之貴四海之富而

忘賤則能保其貴矣夫以萬乘之貴四海之富而

猶以為不足何哉忘其始之賤貧而欲大無窮也

君文王卑服即康功田功周公作書以成王恐

其不知稼穡之艱難而驕逸也漢文有曰朕能任

衣冠念不至此是以恭儉愛民惟恐煩之嗚呼其

可謂有德者矣若太宗聞諫而能自省不亦賢乎

又曰太宗可謂不忘戒矣。觀隋之官室而所以諂諛掩蔽戒羣臣。夫知彼之所以亡。則圖我之所以存。而不敢怠矣。此三王之所由興也。

愚按有虞之制五載一巡守。成周之盛六年一時巡。肆觀群后大明黜陟。協時月正日。同律度量衡。無非事也。其車從至為簡省。其供給至為儉約。故民以其所行為幸。所不行為不幸。所謂吾王不遊。吾何以休。是也。後世楊廣朱溫。巡遊不息。始務豐侈。其飲食美麗。其行宮以供給過制。為賢能以置頓不脩。為罷軟。州縣承風。競為勞費。於是百姓聞車馬之音。見羽旄之美。舉疾首感額。而相告矣。太宗親睹煬帝之禍。猶以供奉不精。多所責罰。况其餘者乎。夫古之巡幸。所以徇民。後之巡幸。所以徇己。人君欲復虞周巡守之制。苟不先省其車從之數。約其供給之儀。未有不蹈隋梁之失者也。

畋獵第三十八章 凡五

秘書監虞世南以太宗頗好畋獵。好去。上疏諫曰。臣

聞秋獮冬狩。蓋惟恒典。獮音鮮。周禮大司馬仲秋教

冬教大閱以狩。射隼從禽。備乎前誥。射食亦切。隼也。伏

惟陛下因聽覽之餘辰。順天道以殺伐。將欲摧斑碎

掌。親御皮軒。田獵之車也。窮猛獸之窟穴。盡逸材之林藪。

夷兇翦暴。以衛黎元。收革擢羽。用充軍器。舉旗効獲。

式遵前古。然黃屋之尊。金輿之貴。八方之所仰德。萬

國之所繫心。清道而行。猶戒銜檠。斯蓋重慎防微。為

社稷也。為去聲。是以馬卿直諫於前。司馬相如字長卿。漢武帝時為郎。嘗

從帝獵長楊。帝好自擊熊豕。馳逐野獸。相如上疏諫。帝從之。張昭變色於後。張昭字子昭。

布彭城人為吳主孫權軍師權臣誠細微敢忘斯義嘗乘馬射虎昭變色而諫之

且天孤星畢音畢網也所殪已多殪音翳殺死也頒禽賜獲皇恩

亦溥伏願時息獵車且韜長戟不拒芻蕘之請降納

涓澮之流袒裼徒搏任之群下則貽範百王永光萬

代太宗深嘉其言

愚按傳曰春蒐夏苗秋獮冬狩皆於農隙以講武也王制天子無事則歲三田周禮大閱之制獨為詳備則畋獵固古禮也何外作禽荒見於大禹之訓而不敢盤于遊田乃為文王之德正以畋獵雖古制有因是而勞師耀武妨農害民者矣况後世萬乘之動供給之繁徵求之夥乎太宗身親行陣寇捷奏功其於遊獵固其好尚必有不遵制而病民者宜世南懇切之諫有以聽動上之矣

谷那律魏州昌樂人貞觀中累遷國子博士後遷為諫議大夫淹識群書褚遂良稱為九經庫

諫議大夫嘗從太宗出獵在途遇雨太宗問曰雨衣

若為得不漏對曰能以瓦為之必不漏矣意欲太宗

弗數遊獵數音朔大被嘉納賜帛五十段加以金帶按

鑑此事係在高宗永徽元年九月癸亥與此異而新舊唐書則同

唐氏仲友曰谷那律淹識羣書褚遂良嘗稱為九經庫油衣瓦為不漏之對可見質直蓋淹識之士難乎質直故三益之友得

一已善而況兼之者乎

愚按家語記孔子之言曰忠臣之諫君有五義焉其五曰諷諫惟度主以行之吾從其諷諫乎

夫所以諷諫者假他事引援而諫者也谷那律以儒學之臣居諫議之職以瓦為衣之對雖過於質直其諷諫之謂乎太宗悅其

直而賞賚之是亦從諫之美也

貞觀十一年。太宗謂侍臣曰。朕昨往懷州。今懷慶路

有上封事者云。何為恒差山東衆丁於苑內營造。即

日徭役似不下隋時。懷洛以東。殘人不堪其命。而田

獵猶數。音朔驕逸之主也。今者復來懷州田獵。忠諫不

復至洛陽矣。復音正四時蒐田。蒐音搜。春曰蒐。夏曰

是帝王常禮。今日懷州秋毫無干於百姓。凡上書諫

正自有常準。臣貴有詞。主貴能改。如斯詆毀。有似呪

詛。侍中魏徵奏稱。國家開直言之路。所以上封事者

尤多。陛下親自披閱。或冀臣言可取。所以僥倖之士

得肆其醜。臣諫其君。甚須折衷。從容諷諫。從即漢元

帝名爽嘗以酎祭宗廟。酎音紂。三重釀酒也。出便門御

樓船。御史大夫薛廣德。沛字長卿。當乘輿免冠曰宜從

橋。陛下不聽臣言。臣自刎以頸血汙車輪。汙去聲。陛下

不入廟矣。元帝不悅。光祿卿張猛進曰。臣聞主聖臣

直。乘船危。乘平聲。後同。就橋安。聖主不乘危。廣德言可聽。

元帝曰。曉人不當如是耶。乃從橋。以此而言。張猛可

謂直臣諫君也。太宗大悅。

愚按魏徵不取廣德之直言。而取張猛之直諫。不過順太宗之意而言耳。蓋嘗聞先儒之言曰。

諫者之委曲。君德未信於人也。諫者之剴切。君

德已信於人也。其遜其忤。言者之得失。則二在

人主為進德之驗。則一而已。由此觀之。諫書詆

以張猛之諷諫為是。則是漢元之昏庸期。太宗耳。豈責難之道乎。

貞觀十四年。太宗幸同州。今仍舊。隸陝西。親格猛獸。復

晨出夜還。後音旋。同。特進魏徵奏言。臣聞書美文王不敢

盤于遊田。周書曰。文王不敢盤于。庶邦惟正之供。傳述虞箴。稱夷羿

以為戒。傳去聲。左傳。魏絳告晉侯曰。昔虞人之箴曰。在帝夷羿。冒于原獸。虞箴如是。可不懲乎。

昔漢文臨峻坂。欲馳下。袁盎時為中郎將。攬轡曰。聖

主不乘危。乘平聲。不徼幸。今陛下騁六飛。名馬。馳不測之

山。如有馬驚車敗。陛下縱欲自輕。柰高廟何。文帝從。霸陵上。

欲西馳。下峻坂。袁盎諫。帝曰。將軍怯邪。盎曰。臣聞。千金之子。不垂堂。百金之子。不倚衡。云云。帝乃止。孝

武好格猛獸。好去聲。後同。相如進諫。力稱烏獲。秦武王力。士舉龍文。

鼎者。捷言慶忌。吳王僚之子。射能捷。矢。人誠有之。獸亦宜然。猝遇

逸材之獸。駭不存之地。雖烏獲逢蒙之伎。逢音龐。逢。蒙。古之善。

射者。不得用。而枯木朽株。盡為難矣。雖萬全而無患。然

而本非天子所宜。事見首章注。孝元帝郊泰畤。郊祀之。壇曰時。因

留射獵。薛廣德。字長卿。沛郡人。時為稱竊見關東困。長信少府御史大夫。

極。百姓離災。今日撞亡秦之鍾。歌鄭衛之樂。士卒暴

露。從官勞倦。從去聲。欲安宗廟社稷。何憑河暴虎。未之

戒也。臣竊思此數。帝心豈木石。獨不好馳騁之樂。音洛。

後同。而割情屈已。從臣下之言者。志存為國。為去聲。不

為身也。臣伏聞車駕近出。親格猛獸。晨往夜還。以萬

乘之尊。闇行荒野，踐深林，涉豐草，甚非萬全之計。願陛下割私情之娛，罷格獸之樂，上為宗廟社稷，下慰群寮兆庶。太宗曰：昨日之事，偶屬塵昏，非故然也。自今深用為誡。

愚按魏徵諫獵之辭，援古監今，惓惓忠篤，比虞世南奏疏尤為懇至。切到足以儆動其君之聽。塵昏之語，太宗烏得不為之感悟哉。若魏徵者，可謂能引君於道矣。

貞觀十四年冬十月，太宗將幸灤陽。

灤音藥，灤陽屬奉天。元遊畋，縣丞劉仁軌，字正則，汴州人。初為陳倉尉，部縣莫敢屈仁軌榜殺之。太宗召詰責仁軌曰：寧辱臣臣故殺之，帝以為副直，擢咸陽丞。累遷給事中。武后時射以收穫未畢，非人君順動之時，詣行所上表切

諫。太宗遂罷獵，擢拜仁軌新安令。

新安，舊隸河南府，今仍按史傳太宗校獵同州，仁軌諫曰：今茲澍澤，霑足百穀熾茂，收纒十二，常日贊已有所妨。又供獵事，繕橋治道，役雖簡省，猶不損數萬。少延一旬，使獵事畢，勞陛下六飛，徐驅公私，交乘亦上。璽書褒納，拜新安令。愚按劉仁軌一縣丞，而能效一言之忠，所未能乘之聽其忠君愛民之心，有侍從之臣所未能者。可不謂難乎哉。蓋仁軌嘗為陳倉尉，太宗以其副直擢咸陽丞，則其受知於太宗有由來矣。然非太宗有從諫之美，樂善之誠，則仁軌雖有副直之操，將安所施哉。適足以獲罪而已。仁軌為史傳所稱美，出宰百里者，不可不知所效法邪。

災祥第三十九章

貞觀六年，太宗謂侍臣曰：朕比見眾議，鼻以祥瑞為美事，頻有表賀慶，如朕本心。但使天下太平，家給

人足。雖無祥瑞，亦可比德於堯舜。若百姓不足，夷狄

內侵，縱有芝草，徧街衢，鳳凰巢苑囿，亦何異於桀紂

嘗聞石勒時石勒上黨匈奴人。晉元帝時據襄國。稱帝。是為後趙。有郡吏燃連

理木，煮白雉肉喫，豈得稱為明主耶？又隋文帝深愛

祥瑞，遣秘書監王劭著衣冠，在朝堂對考使，焚香

讀皇隋感瑞經。隋文帝好機祥小數。王劭言上受命符瑞甚衆。又採歌謠圖讖佛經文字。

曲加誣飾。撰皇隋靈感志三十卷。上今宣示天下。勅集諸州朝集使，盟手焚香，閉目讀之。曲折有聲如歌詠。經旬朔始徧上。舊嘗見傳說此事，實以為可笑。夫

為人君扶夫音當須至公理天下，以得萬姓之懽心。若

堯舜在上，百姓敬之如天地，愛之如父母，動作興事

人皆樂之。樂音洛發號施令。施平聲人皆悅之。此是大祥

瑞也。自此後諸州所有祥瑞，並不用申奏。按通鑑係貞觀二年

又曰：嘗有白鵲構巢於寢殿槐上，合歡如腰鼓。左右稱賀。上曰：我嘗笑隋煬帝好祥瑞，瑞在得賢。此何足賀。命毀其巢於野外。

愚按：聖人之作春秋也，祥瑞不書。惟災異書。豈無意哉？夫春秋二百四十二年之間，豈無祥瑞

而不書也？而有年大有之書，兩見於經。蓋聖人特筆也。太宗以聰明之資，克勤于政，不以祥瑞

為祥瑞，而以堯舜之政化為大祥瑞，豈無見而然哉？嘗觀文公朱子通鑑綱目，貞觀一代皆不

見祥瑞之書，惟貞觀四年以大有年書錄其外戶不閉，家給人足，斗米三錢之美，斯祥瑞之大

者歟？然則太宗之為此言也，非苟言之實允蹈之矣。

貞觀八年，隴右山崩，大蛇屢見。音現山東及江淮多

大水。太宗以問侍臣。秘書監虞世南對曰。春秋時梁

山崩。梁山。晉侯。景公名孺。對曰。

國主山川。故山崩川竭。君為之不舉樂。降服乘縵。乘

聲。縵音漫。謂乘車之無飾文者。祝幣以禮焉。梁山。晉所主也。晉侯從

之。故得無害。事見左傳。成公五年。漢文帝元年。齊楚地二十九

山同日崩。水大出。令郡國無來獻。令平聲。施惠於天下。

施平聲。遠近歡洽。亦不為災。後漢靈帝時。青蛇見御座。

晉惠帝時。大蛇長三百步。見齊地。經市入朝。按蛇宜

在草野。而入市朝。所以為恠耳。今蛇見山澤。蓋深山

大澤。必有龍蛇。亦不足恠。又山東之雨。雖則其常。然

陰潛過久。恐有冤獄。宜斷省繫囚。庶或當天意。且妖

不勝德。修德可以銷變。太宗以為然。因遣使者使去聲。

賑恤飢餒。申理冤訟。多所原宥。

貞觀八年。有彗星。見于南方。彗。徐醉切。見音現。後同。彗星。妖星也。其狀如帚。

長六丈。一作六尺。經百餘日。乃滅。太宗謂侍臣曰。天見彗

星。由朕之不德。政有虧失。是何妖也。虞世南對曰。昔

齊景公名杵臼。時彗星見。公問晏子。晏嬰也。晏子對曰。公

穿池沼。畏不深。起臺榭。畏不高。行刑罰。畏不重。是以

天見彗星。為公戒耳。景公懼而修德。後十六日。而星

沒。作十六。一十三。陛下若德政不修。雖麟鳳數見。數音朔。終是

沒。

無益。但使朝無闕政，百姓安樂。洛音雖有災變，何損於德。願陛下勿以功高古人而自矜，太勿以太平漸久而自驕逸。若能終始如一，彗見未足為憂。太宗曰：吾之理國，良無景公之過。但朕年十八，便為經綸王業。便為之為北剪劉武周西平薛舉東擒竇建德王世去聲後同充二十四而天下定，二十九而居大位，四夷降伏。音降杭海內又安，自謂古來英雄撥亂之主，無見及者。頗有自矜之意，此吾之過也。上天見變，良為是乎。秦始皇平六國，隋煬帝富有四海，既驕且逸，一朝而敗，吾亦何得自驕也。言念於此，不覺惕焉。震懼，魏徵進曰：

臣聞自古帝王未有無災變者，但能修德，災變自銷。陛下因有天變，遂能戒懼，反覆思量，平深自剋責，雖有此變，必不為災也。

唐氏仲友曰：世南對山壞蛇見大水，恐有冤獄，枉繫亦未足以應天變矣。詩曰：維虺維蛇，女子之祥。唐之禍，其兆先見於此。世南名博學，非不知此。顧太宗無女寵之溺，無迹可言。然獨不能援詩以爲說，取證於漢靈晉惠乎。乃曰：蛇見山澤，適其所居。以世南之忠直，無以發太宗傲懼之意，惜哉。又曰：世南論彗星戒驕矜，此最中太宗之病。較諸省錄彗星戒驕矜，此最中太宗之病。愚按：昔劉向五行傳某事失，則其咎徵應說者，以為鑿。春秋所書災異傳者，亦推迹未來之事。應之說者，以爲拘且妖由人興，天事恒象人君。惟當恐懼，修省以銷其變，固難盡信。淫巫瞽史，之所推測也。夫蛇虺固女子之祥也。春秋之世，晉有蛇自泉宮出，鄭則內蛇與外蛇鬪於門之。

外。固不見為女禍也。唐高宗昏惑溺愛。遂啓女
后專政。卒應大蛇之妖。彗所以除舊布新也。春
秋之世。魯有星孛。齊有彗星。固不見有所除布
也。唐武后肆其凶毒。幾易唐祚。卒應彗星之異。
茲二者皆見於貞觀之八年。極盛之時也。天心
仁愛。儆戒之意。早已見矣。天人之際。良可畏哉。

貞觀十一年大雨。穀水溢。衝洛城門。入洛陽宮平地
五尺。毀宮寺十九所。漂七百餘家。太宗謂侍臣曰。朕
之不德。皇天降災。將由視聽弗明。刑罰失度。遂使陰
陽舛謬。雨水乖常。矜物罪已。載懷憂惕。朕又何情。獨
甘滋味。可令尚食令平聲。尚食掌御膳之官。斷肉料。進蔬食。文武
百官各上封事。極言得失。中書侍郎岑文本上封事
曰。臣聞開撥亂之業。其功既難。守已成之基。其道不

易。以政切。故居安思危。所以定其業也。有始有卒。子聿切。

所以崇其基也。今雖億兆乂安。方隅寧謐。音密。既承喪

亂之後。又接凋弊之餘。戶口減損尚多。田疇墾闢猶

少。覆燾之恩著矣。而瘡痍未復。德教之風被矣。而資

產屢空。去聲。是以古人譬之種樹。年祀綿遠。則枝葉扶

疎。若種之日淺。根本未固。雖壅之以黑墳。上聲。暖之以

春日。一人搖之。必致枯槁。今之百姓。頗類於此。常加含

養。則日就滋息。暫有征役。則隨日凋耗。凋耗既甚。則

人不聊生。人不聊生。則怨氣充塞。怨氣充塞。則離叛
之心生矣。故帝舜曰。可愛非君。可畏非民。孔安國曰。

人以君為命故可愛。君失道人叛之故可畏。孔安國釋虞書
辭仲尼曰君猶舟也。人猶水也。水所以載舟亦所以覆舟。是以古之哲王雖休勿休日慎一日者良為此也。
為去聲伏惟陛下覽古今之事察安危之機上以社稷為重下以億兆在念明選舉慎賞罰進賢才退不肖聞過即改從諫如流為善在於不疑出令期於必信願神養性省遊畋之娛去奢從儉去上聲減工役之費務靜方內而不求闢土載橐弓矢而不忘武備橐音臯歲也凡此數者雖為國之恒道陛下之所常行臣之愚昧惟願陛下思而不怠則至道之美與三五比隆三五

三皇五帝也億載之祚與天地長久雖使桑穀為妖史記商亳

為祥桑穀共生於朝一暮大拱帝大戊懼問伊陟伊陟曰臣聞妖不勝德帝之政其有闕歟帝其修德大戊從之祥桑龍蛇作孽五行傳曰皇之不極是為不枯死而去

蛇之孽雉雉於鼎耳史記商紀武丁祭成湯明日有飛

勿憂先修政事武丁從之殷道復興石言於晉地左傳昭公八年猶當

轉禍為福變災為祥況雨水之患雨水旱陰陽恒理

豈可謂天譴而繫聖心哉臣聞古人有言農夫勞而

君子養焉愚者言而智者擇焉輒陳狂瞽伏待斧鉞

太宗深納其言養當作食

愚按降水傲予帝舜所以畏天省己也六事自責成湯所以反躬致戒也太宗之言雖未能一

出於誠。亦庶幾乎舜湯之遺意矣。惜乎岑文本
之論。皆非所以戒其畏天憂民之心。而勉其側
身修行之實也。其曰陰陽恒理。豈繫聖心。
不幾於傲忽天戒乎。豈君臣相儆之道哉。

慎終第四十章 凡七

貞觀五年。太宗謂侍臣曰。自古帝王。亦不能常化。假
令內安。聲令平必有外擾。當今遠夷率服。百穀豐稔。盜
賊不作。內外寧靜。此非朕一人之力。實由公等共相
匡輔。然安不忘危。理不忘亂。雖知今日無事。亦須思
其終始。常得如此。始是可貴也。魏徵對曰。自古已來。
元首股肱。不能備具。或時君稱聖。臣即不賢。或遇賢
臣。即無聖主。今陛下明。所以致理。向若直有賢臣。而

君不思化。亦無所益。天下今雖太平。臣等猶未以為
喜。惟願陛下居安思危。孜孜不怠耳。

愚按昔帝舜之作歌曰。股肱喜哉。元首起哉。百
工熙哉。皋陶乃賡載歌曰。元首明哉。股肱良哉。
庶事康哉。又歌曰。元首載歌曰。元首明哉。股肱
樂哉。股肱趨哉。萬事
人君之治。為君明則臣良。而百官之功。皆廣也。皋陶
之意。以為君明則臣良。而百官之功。皆廣也。皋陶
也。君行君職。則臣下懈怠。而萬事廢。所以戒之
也。虞廷君臣之相與責難者。如此。雍熙之治。所
以為不可及也。太宗之告侍臣。謂當今太平。非
朕一人之力。皆由公等共輔。須思終始如一。斯
言也。其帝舜作歌之意乎。魏徵之對曰。陛下
聖明。所以致理。若有賢臣。而君不思化。亦為無
益。是猶皋陶勸舜之意也。又曰。今雖太平。臣未
以為喜。惟願陛下居安思危。孜孜不怠。太平。臣未
陶戒舜之意也。君臣之相責難者。如此。魏徵亦能
責難於其君。君臣之相責難者。如此。魏徵亦能

遺風焉。是故有唐之治。雖未能上躋時雍之美。而貞觀之盛。可謂三代而下之所罕見者矣。

貞觀六年。太宗謂侍臣曰。自古人君為善者多不能

堅守其事。漢高祖泗上一亭長耳。長音初能拯危誅

暴。以成帝業。然更延十數年。縱逸之敗。亦不可保。何

以知之。孝惠為嫡嗣之重。溫恭仁孝。而高帝惑於愛

姬之子。欲行廢立。見師傳蕭何韓信功業既高。蕭既

妄繫。蕭何沛人。漢丞相。封鄼侯。嘗為民請曰。長安地

國多受賈人財物。為請吾苑。乃下何廷韓亦濫黜。黜

尉。械繫數日。因王衛尉之言。赦出之。韓亦濫黜。黜

作誅。韓信淮陰人。佐漢高祖取天下。封楚王。有告信

欲反。高祖乃詐遊雲夢。縛信至洛陽。赦為淮陰侯。由

此怨望。後復有言信反於呂后者。后令蕭自餘功臣

何給信入。后使武士縛信斬之。夷信三族。自餘功臣

黜布之輩。懼而不安。至於反逆。黜布姓英名布。嘗坐

王。及韓信彭越之誅。陰聚兵候伺警急。中大夫賁君

赫。詣長安告布反。高祖自將兵擊之。遂殺布滅之。君

臣父子之間。悖謬若此。豈非難保之明驗也。朕所以

不敢恃天下之安。每思危亡。以自戒懼。用保其終

愚按太宗言漢祖創業之君。而廢嫡立庶。濫誅

功臣。斯言誠是也。太宗能保全功臣。無濫誅之

失。過漢高遠矣。然不能正承乾之惡。而於諸子

之定分。亦牽於愛。而有不能自克者。豈知人之

貞觀九年。太宗謂公卿曰。朕端拱無為。四夷咸服。豈

朕一人之所致。實賴諸公之力耳。當思善始。令終。永

固鴻業。子子孫孫。遞相輔翼。使豐功厚利。施於來葉。

聲施平令數百年後聲令平讀我國史。鴻勳茂業。繁然可

觀。豈惟稱隆周炎漢。及建武光武永平明帝故事而

已哉。房玄齡因進曰。陛下撫挹之志。推功群下。致理

昇平。本關聖德。臣下何力之有。惟願陛下有始有卒。

切子則天下永賴。太宗又曰。朕觀古先撥亂之手。皆

年踰四十。惟光武年三十三。但朕年十八便舉兵。年

二十四定天下。年二十九昇為天子。此則武勝於古

也。少從戎旅聲少去不暇讀書。貞觀以來。手不釋卷。知

風化之本。見政理之源。行之數年。天下大理。而風移

俗變。子孝臣忠。此又文過於古也。昔周秦已降。戎狄

內侵。今戎狄稽顙。皆為臣妾。此又懷遠勝古也。此三

者。朕何德以堪之。既有此功業。何得不善始慎終耶。

愚按詩書所載。聖君賢相之所以保治於雍熙

泰和之時者。固幸功業之克成。未嘗以功業而

自足也。太宗謂欲使豐功厚利。施於永久。鴻勳

盛業。繁然可觀。不使後世惟稱隆周炎漢。志則

高矣。然炎漢可企而及也。隆周豈止於若是哉。

倬彼雲漢。為章於天。制之為禮樂。布之為法度。

此文王之文也。不知太宗之所載。所謂文。果能勝乎。

無競維烈。撫弱耆昧。功成而載。戰干戈。載橐弓。

矢。此武王之武也。不知太宗之所謂武。果能勝乎。

乎。大邦畏其力。小邦懷其德。華夏蠻貊。罔不率

俾。由是而惠此中國。以綏四方。此文武之懷遠

也。不知太宗之所謂懷遠。又果能勝乎。愚然後

知太宗矜功伐善。意出於中心。而善始慎終。不

語。不過虛言也。玄齡於此能獎其所已至。而不

能勉其所未至。惜哉。若

後章魏徵之對。則善矣。

貞觀十二年太宗謂侍臣曰朕讀書見前王善事皆力行而不倦其所任用公輩數人誠以為賢然致理比於三五之代猶為不逮何也魏徵對曰今四夷賓服天下無事誠曠古所未有然自古帝王初即位者皆欲勵精為政比迹於堯舜及其安樂也樂音洛則驕奢放逸莫能終其善人臣初見任用者皆欲臣主濟時追縱於稷契洩音洩及其富貴也則思苟全官爵莫能盡其忠節若使君臣常無懈怠各保其終則天下無憂不理自可超邁前古也太宗曰誠如卿言

愚按太宗致理不逮三五之言所以責難於其臣也魏徵之對曲盡人君於逸之端人臣懷祿

之弊誠可為上下之箴蓋人君固在於慎終如始而人臣尤當始終如一也嘗觀貞觀諸名臣久於其位者雖於大節無所虧然於格非之道無聞焉母乃以成功難居至理無盡姑保其福祿榮名歟耻君不及堯舜者何如人哉魏徵之言厥有旨矣

貞觀十三年魏徵恐太宗不能克終儉約近歲頗好奢縱好去聲後同上疏諫曰臣觀自古帝王受圖定鼎皆欲傳之萬代貽厥孫謀故其垂拱巖廊布政天下其語道也必先淳朴而抑浮華其論人也必貴忠良而鄙邪佞言制度也則絕奢靡而崇儉約談物產也則重穀帛而賤珍奇然受命之初皆遵之以成治稍安之後多反之而敗俗其故何哉豈不以居萬乘之尊

有四海之富。出言而莫已逆。所為而人必從。公道溺於私情。禮節虧於嗜欲。故也。語曰：非知之難，行之惟難。非行之難，終之斯難。所言信矣。伏惟陛下：年甫弱冠，去聲天極橫流，橫去聲削平區宇，肇開帝業。貞觀之初，時方克壯，抑損嗜欲，躬行節儉，內外康寧，遂臻至治。論功則湯武不足方，語德則堯舜未為遠。臣自擢居左右，十有餘年，每侍帷幄，屢奉明旨，常許仁義之道，守之而不失，儉約之志，終始而不渝。一言興邦，斯之謂也。德音在耳，敢忘之乎。而頃年已來，稍乖曩志，敦朴之理，漸不克終。謹以所聞，列之如左。陛下貞觀之

初，無為無欲，清靜之化，遠被遐荒。考之於今，其風漸

墜。聽言則遠，超於上聖。論事則未踰於中主。何以言

之。漢文、晉武，俱非上哲。漢文辭千里之馬，漢文帝時有獻千里

馬者，詔還其晉武焚雉頭之裘，晉武帝時太醫司馬程據獻雉頭裘，帝以

奇技異服，典禮所今則求駿馬於萬里，市珍奇於域

外。取恠於道路，見輕於戎狄。此其漸不克終一也。昔

子貢問理人於孔子，孔子曰：「懍乎！若朽索之馭六馬。」

子貢曰：「何其畏哉？」子曰：「不以道遵之，則吾懼也。若何

其無畏？」家語故書曰：「民惟邦本，本固邦寧。」為人上者

柰何不敬？書五子歌陛下貞觀之始，視人如傷，恤其勤

朕

勞愛民猶子。每存簡約。無所營為。頃年已來。意在奢
縱。忽忘卑儉。輕用人力。乃云百姓無事。則驕逸。勞役
則易使。易以致後同自古以來。未有由百姓逸樂。音洛後同而
致傾敗者也。何有逆畏其驕逸。而故欲勞役者哉。恐
非興邦之至言。豈安人之長筭。此其漸不克終二也。
陛下貞觀之初。損己以利物。至於今日。縱欲以勞人。
卑儉之迹。歲改。驕侈之情。日異。雖憂人之言。不絕於
口。而樂身之事實。切於心。或時欲有所營。慮人致諫。
乃云若不為此。不便我身。人臣之情。何可復爭。讀曰
此直意在杜諫者之口。豈曰擇善而行者乎。此其漸

不克終三也。立身成敗。在於所染。蘭芷鮑魚。家語之辭與

之俱化。慎乎所習。不可不思。陛下貞觀之初。砥礪名

節。不私於物。唯善是與。親愛君子。踈斥小人。今則不

然。輕褻小人。褻音泄禮重君子。重君子也。敬而遠之。音遠

援後同輕小人也。狎而近之。近之則不見其非。遠之則

莫知其是。莫知其是。則不問而自踈。間去聲後同不見其

非。則有時而自昵。昵近小人。非致理之道。踈遠君子。

豈興邦之義。此其漸不克終四也。書曰。不作無益害

有益。功乃成。不貴異物。賤用物。人乃足。犬馬非其土

性。不畜。許六切珍禽奇獸。弗育於國。周書旅之辭陛下貞觀

之初動遵堯舜捐金抵璧反朴還淳頃年以來好尚

奇異好去聲後同難得之貨無遠不臻珍玩之作無時能

止上好奢靡而望下敦朴未之有也未作滋興而求

豐實其不可得亦已明矣此其漸不克終五也貞觀

之初求賢如渴善人所舉信而任之取其所長恒恐

不及近歲已來由心好惡鳥去聲或衆善舉而用之或

一人毀而棄之或積年任而用之或一朝疑而遠之夫

行有素履夫音扶去聲後同事有成跡所毀之人未必可信

於所舉積年之行不應頓失於一朝應平聲朝音昭君子之

懷蹈仁義而弘大德小人之性好讒佞以為身謀陛

下不審察其根源而輕為之臧否部部切是使守道者

日踈千求者日進所以人思苟免莫能盡力此其漸

不克終六也陛下初登大位高居深視事惟清靜心

無嗜慾內除畢弋之物畢網也弋以生絲繫矢而射也外絕畋獵之

源數載之後不能固志雖無十旬之逸夏書太康盤遊無度畋于

有洛之表十旬弗反或過三驅之禮遂使盤遊之娛見譏於百

姓鷹犬之貢遠及於四夷或時教習之處道路遙遠

侵晨而出入夜方還以馳騁為歡莫慮不虞之變事

之不測其可救乎此其漸不克終七也孔子曰君使

臣以禮臣事君以忠孔子對魯定公之辭然則君之待臣義不

可薄。陛下初踐大位。敬以接下。君恩下流。臣情上達。咸思竭力。心無所隱。頃年已來。多所忽略。或外官充使去聲奏事入朝。思覩闕庭。將陳所見。欲言則顏色不接。欲請又恩禮不加。間因所短。詰其細過。雖有聰辯之略。莫能申其忠款。而望上下同心。君臣交泰。不亦難乎。此其漸不克終八也。傲不可長。欲不可縱。長音後同樂不可極。志不可滿。禮曲禮篇之辭四者。前王所以致福。通賢以為深誠。陛下貞觀之初。孜孜不怠。屈已從人。恒若不足。頃年已來。微有矜放。恃功業之大。意蔑前王。負聖智之明。心輕當代。此傲之長也。欲有所為。皆

取遂意。縱或抑情從諫。終是不能忘懷。此欲之縱也。志在嬉遊。情無厭倦。雖未全妨政事。不復專心治道。此樂將極也。率土乂安。四夷款服。仍遠勞士馬。問罪遐裔。此志將滿也。親狎者阿旨而不肯言。踈遠者畏威而莫敢諫。積而不已。將虧聖德。此其漸不克終九也。昔陶唐成湯之時。非無災患。而稱其聖德者。以其有始有終。無為無欲。遇災則極其憂勤。時安則不驕不逸。故也。貞觀之初。頻年霜旱。畿內戶口。並就關外。携負老幼。來往數千。曾無一戶逃亡。一人怨苦。此誠由識陛下矜育之懷。所以至死無攜貳。頃年已來。疲

於徭役。關中之人。勞弊尤甚。雜匠之徒。下日悉留。和雇正兵之輩。上番多別驅使。和市之物。不絕於鄉閭。遞送之夫。相繼於道路。既有所弊。易為驚擾。脫因水旱。穀麥不收。恐百姓之心。不能如前日之寧帖。此其漸不克終十也。臣聞禍福無門。唯人所召。人無釁焉。妖不妄作。伏惟陛下。統天御寓。十有三年。道洽寰中。威加海外。年穀豐稔。禮教聿興。比屋踰於可封。比音鼻菽粟同於水火。暨乎今歲。天災流行。炎氣致旱。乃遠被於郡國。凶醜作孽。忽近起於轂下。夫天何言哉。垂象示誠。斯誠陛下驚懼之辰。憂勤之日也。若見誠而

懼。擇善而從。同周文之小心。追殷湯之罪已。前王所

以致理者。勤而行之。今時所以敗德者。思而改之。與

物更新。更平聲易人視聽。則寶祚無疆。普天幸甚。何禍

敗之有乎。然則社稷安危。國家理亂。在於一人而已。

當今太平之基。既崇極天之峻。九仞之積。猶虧一篲

之功。書曰。為山九仞。功虧一篲。言中道而止。則前功盡棄也。千載休期。時難再

得。明主可為而不為。微臣所以鬱結而長歎者也。臣

誠愚鄙。不達事機。略舉所見十條。輒以上聞。聖聽。伏

願陛下採臣狂瞽之言。參以芻蕘之議。冀千慮一得。

袞職有補。詩。大雅。烝民之篇曰。袞則死。日生年。甘從

斧鉞疏奏。太宗謂徵曰。人臣事主。順旨甚易。忤情尤難。公作朕耳目股肱。常論思獻納。朕今聞過能改。庶幾克終善事。聲幾平若違此言。更何顏與公相見。復欲何方以理天下。自得公疏。反覆研尋。深覺詞強理直。遂列為屏障。朝夕瞻仰。又錄付史司。冀千載之下。識君臣之義。乃賜徵黃金十斤。廐馬二疋。按史傳十三年阿史那結

社率作亂。雲陽石然自冬。至五月不雨。故徵上此疏。

唐氏仲友曰。人君善否之分。其始毫釐。其末千里。論太宗貞觀初之所為。皆可以為三代之令主。至漸不克終。則九三代之辟王。其極至於亂者。不過乎此。可不畏哉。徵有憂之。極言至論。數其十漸。有伊傳。周召戒其君。大禹訓其後。世之意。非慮之。至忠之盡。安能及此。使太宗聞過願改。以終善道。以

保真觀之隆。奇髻髻乎三代之令主。皆徵力也。史以三代遺直許徵。於十漸見之。

葉氏適曰。太宗聞十漸之戒。令錄付史官。使萬世知有君臣之義。至徵錄前錄。多不過此。而太宗不

說。何也。蓋錄在徵。則天下惟知徵之能諫。若錄在太宗。則天下將不止意。凡此皆太宗能聽諫。且知

太宗眷眷不忘之意。凡此皆太宗能聽諫。且知愚按魏徵之十不克終之疏。正貞觀以來如此。其未

所云貞觀之初。如此其善。近歲以來。如此其未善。其善也。可以為三代之令主。其未善也。無異

於後世之辟王。何太宗一人之身。始終之相遠。未如此哉。蓋其始之善者。天資之過人。也。終之初

善者。學力之不繼也。昔者周公之德。其天資之美。有感於二叔之言。不能明周公之德。其天資之美。有

昏逾。至於死生之際。炯然不亂。此豈太宗之無所及哉。愚然後知周公輔導之功。為不可及。而魏

徵格君之道。猶有所不足也。嗚呼。以太宗之聰。明猶不能保其終。而况天資之未逮者。其可不

明。猶不能保其終。而况天資之未逮者。其可不

學擊而務學也哉

貞觀十四年太宗謂侍臣曰平定天下朕雖有其事守之失圖功業亦復難保秦始皇初亦平六國據有四海及末年不能善守實可為誡公等宜念公忘私則榮名高位可以克終其美魏徵對曰臣聞之戰勝易以敗切守勝難陛下深思遠慮安不忘危功業既彰德教復洽恒以此為政宗社無由傾敗矣

范氏祖禹曰書曰后克艱厥后臣克艱厥臣又曰無輕民事惟難孔子曰為君難夫知所難而後可為難則其易也將至矣太宗知其難也將至矣君能以有終也

愚按魏徵之於太宗凡三告以守天下之難矣居安忘危之言始終弗渝其憂治危明之心為何如哉孟子曰責難於君謂之恭徵之謂也

貞觀十六年太宗問魏徵曰觀近古帝王有傳位十代者有一代兩代者亦有身得身失者朕所以常懷憂懼或恐撫養生民不得其所或恐心生驕逸喜怒過度然不自知卿可為朕言之為去聲當以為楷則徵對曰嗜慾喜怒之情賢愚皆同賢者能節之不使過度愚者縱之多至失所陛下聖德玄遠居安思危伏願陛下常能自制以保克終之美則萬代永賴

愚按太宗問運祚長短之殊魏徵對以自制克終之美其論可謂的矣然嘗論之古昔聖賢著

書立言。其托始太宗之際。皆有深意。吳氏之著是
 編也。始之以太宗問魏徵。正身之道。終之以魏
 徵對太宗。克終之言。其意之所存。雖不可知。以
 事實攷之。則二者皆太宗之所不足也。何也。太
 宗削除禍亂。身致升平。屈己而納諫。任賢而使
 能。恭儉節用。寬仁而愛人。三代而下。諫之君。絕無
 而僅有者也。然於君臣父子兄弟夫婦之間。皆
 有慚德。豈非正身之道。有所不足歟。太宗能納
 諫矣。而晚年有仆碑之失。能慎刑矣。而晚年有
 君羨之誅。能息兵矣。復有高麗西域之師。能節
 用矣。復有飛山翠微之作。豈非克終之道。有所
 不足歟。合二者而論之。則太宗所以不能克終所
 者。由其不能正身也。然則吳氏之歟。書豈非始言其
 本而終言其效歟。

貞觀政要卷第十





Handwritten text in vertical columns, likely bleed-through from the reverse side of the page. The characters are in a cursive or semi-cursive style.



